

Staðfesting forsetans á skipulagsskrá fyrir Minningarsjóð Davíðs Sigurðssonar, 168
 útgefin á venjulegan hátt að mandatum af dómsmálaráðherra 8. okt. 1959. 8. okt.
 Skipulagsskráin er þannig:

SKIPULAGSSKRÁ

fyrir Minningarsjóð Davíðs Sigurðssonar.

1. gr.

Sjóður þessi er stofnaður af frú Þórdísi Stefánsdóttur með eitt þúsund króna gjöf, til minningar um mann hennar Davíð Sigurðsson trésmíðameistara á Akureyri.

2. gr.

Stjórn sjóðsins er falin stjórn Iðnaðarmannafélags Akureyrar, en fjárframlög samkvæmt 4. grein verða aðeins gerð á lögmætum fundi félagsins, enda mæli stjórnin með þeim.

3. gr.

Höfuðstól sjóðsins má aldrei skerða. Vextir af sjóðnum leggist við höfuðstólinn, unz þeir eru orðnir 200 krónur árlega. Skal þá vöxtunum úthlutað annað hvort ár samkvæmt 4. grein, en hitt árið skulu þeira lagðir við höfuðstólinn.

4. gr.

Tilgangur sjóðsins er, að styrkja efnilega iðnaðarmenn í Akureyrarbæ til utanfarar, til frekara náms í iðn sinni.

5. gr.

Allt reiðufé sjóðsins skal ávaxta í banka eða verðbréfum á Akureyri. Reikningsár sjóðsins er almanaksárið og skal reikningur hans endurskoðaður af löggiltum endurskoðanda.

6. gr.

Verði Iðnaðarmannafélag Akureyrar lagt niður, veitir bæjarstjórn Akureyrar sjóðnum forstöðu. Um styrkveitingar úr sjóðnum skal þá farið samkvæmt meðmælum fjölmennasta félags iðnaðarmanna í bænum.

7. gr.

Á skipulagsskrá þessari skal leita staðfestingar forseta Íslands.

Staðfesting forsetans á skipulagsskrá fyrir Styrktarsjóð áfengissjúklinga, útgefin 169
 á venjulegan hátt að mandatum af dómsmálaráðherra 9. okt. 1959. 9. okt.
 Skipulagsskráin er þannig:

SKIPULAGSSKRÁ

fyrir Styrktarsjóð áfengissjúklinga.

1. gr.

Sjóðurinn heitir Styrktarsjóður áfengissjúklinga.

Stofnfé hans er kr. 116224.84 og er það eftirstöðvar fjársöfnunar til drykkjumannaskýlis kr. 60762.44, og framlag frá bæjarstjórn Reykjavíkur í sama tilgangi kr. 55462.40.

169

9. okt.

2. gr.

Tilgangur sjóðsins er sá að kosta á hjúkrunarheimili Bláa Bandsins næturgisting heimilislausra drykkjumanna, sem er veitt viðtaka oftast en reglugerðir mæla fyrir, enn fremur greiða dvalarkostnað þeirra á vistheimilum Bláa Bandsins að svo miklu leyti sem fjárhagur sjóðsins leyfir.

3. gr.

Verja má vöxtum sjóðsins í þeim tilgangi, er um getur í 2. gr. En höfuðstól má aldrei skerða.

4. gr.

Ávaxta skal eignir sjóðsins í sparisjóði eða tryggum verðbréfum.

5. gr.

Félagið Bláa Bandið í Reykjavík fer með stjórn sjóðsins í samráði við biskup Íslands og borgarstjórnann í Reykjavík, sem skipa sinn endurskoðanda hvor.

Félagið og þjóðkirkja Íslands skulu leitast við að efla sjóðinn með þeim hætti, er tiltækilegt þykir.

6. gr.

Ef Bláa Bandið hættir að starfa, ákveða biskup og borgarstjóri, hvernig fara skuli með eignir sjóðsins.

7. gr.

Endurskoðaðir reikningar sjóðsins skulu árlega sendir biskupi og borgarstjóra.

8. gr.

Til breytinga á skipulagsskrá þessari þarf samþykki biskups Íslands og bæjarstjórnar Reykjavíkur.

9. gr.

Leita skal staðfestingar forseta Íslands á skipulagsskrá þessari.

170

9. okt.

SAMÞYKKTIR

fyrir Sparisjóð Kópavogs.

I. Stofnun, nafn, ábyrgð og stjórn sjóðsins.

1. gr.

Sjóðurinn heitir Sparisjóður Kópavogs og skal heimili hans og varnarþing vera í Kópavogskaupstað.

2. gr.

Stofnendur sjóðsins eru undirritaðir 30 ábyrgðarmenn hans og skuldbinda þeir sig með undirskrift sinni undir samþykktir þessar til þess að ábyrgjast að sjóðurinn standi í skilum. Svarar hver ábyrgðarmaður hlutfallslega fyrir halla eða tjóni sem sjóðurinn kann að verða fyrir, en hann getur ekki sjálfur staðið straum af. Þó ábyrgist enginn einn meira en kr. 4000.00 — fjögur þúsund krónur —. Hver ábyrgðarmaður leggur fram við stofnun sjóðsins kr. 2000.00 — tvö þúsund krónur — af ábyrgðarupphæð sinni, sem stofnfé sjóðsins. Skal ákveðið um vexti af því fé á aðalfundi. Þó mega þeir ekki vera hærri en 1% umfram innlánsvexti sjóðsins.

3. gr.

170

9. okt.

Ábyrgðarmenn sjóðsins (eða stofnfjáreigendur) skulu ekki vera færri en en 30 og ekki fleiri en 50. Skal stjórninni skylt að gera það, sem í hennar valdi stendur til að sjá um, að ábyrgðarmenn (eða stofnfjáreigendur) verði aldrei færri en 30. Ábyrgð getur eigi fallið niður nema fyrir andlát, burtflutning úr kaupstaðnum, missi fjárforræðis, gjaldþrot, nauðasamninga, eða ef maður verður öreigi á annan hátt. Stofnfjárframlag endurgreiðist eigi fyrr en við löglegt niðurfall ábyrgðar eða samkvæmt heimildinni í 22 gr. laga nr. 69 27. júní 1941.

4. gr.

Stjórn sjóðsins skipa 5 menn. Skulu 3 þeirra kjörnir á aðalfundi, úr flokki ábyrgðarmanna (eða stofnfjáreigenda), en hinir 2 af bæjarstjórn á sama tíma og gildir kosning þeirra allra til 1 árs. Hlutfallskosningu skal viðhafa, ef þess er óskað. Stjórnarnefndarmenn má endurkjósa, en hafi þeir setið í stjórninni 4 ár samfleytt, er þeim ekki skylt að taka við kosningu fyrr en að 4 árum liðnum. Stjórnin kys formann úr sínum flokki. Deyi stjórnarnefndarmaður kjörinn af ábyrgðarmönnum, flytji burt úr kaupstaðnum, eða falli ábyrgð hans niður á annan lögmætan hátt, skal þegar í stað kalla saman fund ábyrgðarmanna og kjósa annan í stað hans fyrir það, sem eftir er af kjörtímabilinu. Deyi stjórnarnefndarmaður, kjörinn af bæjarstjórn, eða verði á lögmætan hátt óhæfur til að gegna stjórnarstörfum, skal tafarlaust beiðast þess að bæjarstjórn kjósi annan í hans stað. Ekki má stjórnin reka eigin lánastarfsemi eða aðra atvinnu er komi í bága við hagsmuni sjóðsins.

Stjórn sparisjóðsins ræður starfsmenn hans og hefur umsjón með öllum framkvæmdum sjóðsins.

Birta skal í blaði því, sem flytur stjórnarvaldaauglýsingar, hverjir séu stjórnendur sjóðsins og starfsmenn og hverjir geti undirritað kvittanir og aðrar yfirlýsingar, svo að skuldbindandi sé fyrir sjóðinn gagnvart viðskiptamönnum hans.

Stjórnendur sjóðsins bera, einn fyrir alla og allir fyrir einn, ábyrgð á því, að ekkert af fé sjóðsins fari forgörðum fyrir hirðuleysi. Tapist eitthvað af fé sjóðsins fyrir handvömm eða óráðvendni sparisjóðsstjórnar eða einhverra starfsmanna sjóðsins, endurskoðunarmanna eða annarra, sem við hann eru riðnir, skal hlutaðeigendum skylt að bæta skaðann, ef krafist er, og sæti þeir auk þess hegningu, eins og lög standa til um sýslunarmenn hins opinbera.

5. gr.

Stjórnendur sjóðsins og starfsmenn mega ekki sjálfir taka lán úr sjóðnum. Eigi mega þeir heldur ábyrgjast lán úr honum fyrir aðra.

6. gr.

Tilkynnna skal stjórnarráðinu tafarlaust, hverjir kosnir eru í stjórn sjóðsins.

7. gr.

Við sparisjóðinn skulu vera að minnsta kosti tveir starfsmenn, féhirðir og bókarí.

Það skal jafnan vera aðalreglan, að eigi má greiða neina upphæð úr sjóðnum né í hann, nema tveir af starfsmönnum hans eða stjórnendum séu viðstaddir, og riti þeir upphæðina tafarlaust í bækur sjóðsins hvor um sig. Þó má féhirðir veita móttöku greiðslum í sjóðinn, án þess að annar starfsmaður sé viðstaddur, en þá skal hann tafarlaust rita greiðsluna inn í bækur sparisjóðsins. Sömu leiðis getur féhirðir greitt fé úr sjóðnum gegn ávisun formanns, þó að aðrir starfsmenn séu eigi viðstaddir. Heimilt er að stjórnin hafi þessi störf með höndum.